


集部



若干首尋以首簡授不佞日子宜為序公以經濟之學 公之坦張士恭甥阮文銳余伯氏敬德咸屬和馬總凡 民氏筆之為圖復用澤民聲問舊題五言四韻為詩以 倡之而苕溪則九成沈自誠新安胡茂深赤城鄭蒙泉 却絲竹進泓顏斟詠淋漓竟夕忘返公既屬雖陽朱澤 林緑甸川魚雲鳥之出沒飛動者皆在欄楯之下于是 之臺據小吴之軒覽長洲之故苑撫姑蘇之臺樹而瑶 望于春之暮風日柔暢相與登海湧峯順劍池坐生

金グロガ なご

欽定四車全書 于山水間不亦盛乎念會合之不可常昔之人益有當 岳瞻景星之日久矣吾黨徒以區區詠歌乃得接餘論 為天子顧問之臣雄文碩堂師表儒林海內之士仰喬 耀千古今公之司業成均楊少師之職也而其功名 為圖而當時君子又多其去就類漢兩疏作為文章崇 楊少師之歸自朝廷也好事者誇其錢之盛傳其繪以 吾徒未能脫鱗介生羽翰又安得久從公将乎往者唐 雕而悲者矣令環橋門而望公者殆百谷之于甘雨也 , 支白衛稿

氏自辟疆以來好治園池而仲瑛又以能詩好禮樂與 中吴多宴将之勝而顧君仲瑛之玉山住處其一也顧 至正十一年夏四月朔旦序 方賢士大夫将其凉臺與館華軒美樹卉木秀而雲 幽皆足以發人之才趣故其大篇小童日文日詩聞 公于某丘某水以觀都門祖帳之圖而為公賦之也 且望其等两疏而上之則異日請老而歸也尚 王山名勝集序 能

迪而樊上翁則不過時邀睡客往追而已今仲瑛以世 幻叵測悉牢籠暴狀于更唱选和之間雖體製不同標 飲定四華全書 物象見于唱酬者歷歷在人目乎大輔川賓客獨稱裴 人别墅獨喜稱王氏之賴川杜氏之樊川豈非以當時 文以為序夫世之寄情山水間者多矣然好事者于昔 令人爱仲瑛既會粹成帙名之曰王山名勝集復徵余 格或異然皆如文繪貝錦各出機樞靡不純麗瑩經酷 見層出而凡氣序之推遣品彙之田薄晴雨風雲之變 7 爽白存稿

于文字問則斯集也記可少哉于是乎書 澤曰巨區周迴五百里瀬汗潢漾混無端倪而其山則 余與黄君德廣同以東州之人将中吴山水間吴之大 今亦猶今之視昔使異日王山之勝與两川別墅並存 不多讓而實客之盛較之網川或者過馬嗟乎後之視 士大夫盡具惟而其操觚丟翰觞詠于此視樊上翁益 族貴介雅有器局不屑于進取而力之所及獨樂與賢 送黄廣徳亭 ŧ 交足四年公島 徳廣汎舟過梅里登海虞出三江之口 顧瞻山川之蒼 倒越又孰能齊糗粮以事無益之将乎故窮吴中山水 水也四方之道具者冠益相屬然非北之熊薊則南適 躬盡瘁不遑夙夜雖有逸與者亦不能輟餘暴而樂山 觀也吳為郡物籍人眾賦夥而訟繁凡溢其土者率鞠 沒掩映乎其上朝光幕景與雲物爭變化益東南之可 洞庭夫椒靈巖天平之屬高界俯仰為狀不一而皆出 勝自非清閉無事如吾兩人者舉莫之能也余當與 13 英白藓鸫

向也舉吴之人不得為吾兩人之将今也非惟吾不能 德廣為有力者遇將脫鱗介生羽翰去我而弗顧也噫 得自肆于山水間而德廣固非久貧且賤者也令季秋 强德廣而留之得廣雖欲為我留不能也然則出處離 父兄子弟亦不暇為也人當苦于貧贱而吾乃以賤貧 敝敝以終日 金りり 湖之間原土塗泥踵行喙息之民罷未耜而給饟飽恒 . 倪仰千載于須臾而聖賢之遺跡歷歷可致也益 則吾兩人之適非惟其賓客者不能 BP ĴĮ

大三日三 九十二 而其賦視梁州乃在下之上者徒以人工修之而其水 吴在禹貢揚州之城其數則具區土地塗泥而田則 是為之雄矣因書以既之 負有所遇而歸或者不忘而欲求余于藜藿之下則以 德廣行矣余將入山益深入林 益密他日德廣以其抱 合非惟吾兩人不得自知雖明審之君子亦不能必也 下也吴之土不如雅州之黄壤其田不及豫州之中 送丁經歷序 夷白癣病

執未后稷東耜亦未如之何而有司什一之征嚴有常 擊電鼉蛟螭率醌類居之卵育子孫以路其窟使神農 金切り屋台電 供驅民于不測之淵為之上者袖手弗顧而經歷丁君 也久矣而其害有若長湯華湯之屬積水為陂風壽飄 異宜塗泥之土責倍于黄壤下下之田賦浮于上上而 淺土薄固自與中州大不侔也庸記知古今殊時風氣 也窮地力以害人賊夫國者也吴之不恤其工以奉 之工果足以勝地力哉夫息人工以養人善為國 MANAGEMENT OF THE PARTY OF THE

将淪死兮不忍子與妻吁嗟儂兮何以生為君聞之日 将以厚我之生兮今反病之我欲上訴兮天不可躋我 欽定四車全書 民困若是將何以上報天子乃獨疏其上請已而上 無愁嘆之聲二千石之職也令吾來佐長吏布思澤而 有是哉吾聞苛政猛于虎此非虎之尤者乎夫使田野 淪為湖陂我田于湖兮官剥我肌昔神禹兮手胼足 脈 君之至吴也民有歌者日吴之王兮淖而甲吴之田兮 獨関然思有以拯之推是心也具殆之所謂遺爱乎初 N. 夷白齊稿

者以于崑崙流沙萬里之外求珠者必于南海蛟龍不 山川之秀鐘于物者為珠王鍾于人者為文章然求王 書以識吴人之意至正十一年九月甲子 長者而吳猶有泰伯仲雍之遺民馬于君之代而去也 則有魴人言之藏我以為慶又胡可忘于是皆以君為 原則有泰水則有魚昔云不足今乃有餘濕則有杭水 送劉志伊序

國除民所疾苦吴氓賴君之言乃得以休息又歌曰

次 王四事 全 |来撫之精有不易以歲月計也然則搜羅篡述以為 不可得矣國家以三光五熊混一之氣涵照六合而百 代人文之東而欲與前代之成書並存不廢而不溯于 文章之崑崙作者之南海求之而能盡大觀而無憾也 其成書上下千數百年以觀其制作之盛而不知當時 而秦漢魏晉唐宋之文見于文選文粹文鑑者後人即 地間尤難精而不易得者也三代而降文章與時萬下 |測之淵不如是則無以獲其精而致其多而文章在天 夷白春稿

勿為鄭人買檳而棄珠亦勿為魏人之以玉為石而置 劉君志伊所以北走熊蒯南浮江淮上而廟廊之著作 乘之珠縱不横委于道亦豈無待價而未售者此宜春 不坍富于王公不已也噫志伊之用心亦動矣哉然尚 下而山林之論述無儲並録日夏月輯如衙類之于貨 年文物之盛著于文類者亦可以緊見然夜光之聲 則所得該精且多矣于其歸也書以既之 横 山紀行詩序 卷十三


益父母之恩昊天罔極人子蒸蒸色養尚不足以報其 低細落嘆之形諸言者皆成韻語時余辱與同載問亦 及足四軍 公馬 復流涕而不忍讀之也今仲說天性醇考為學好問而 莫過于詩然三百篇皆本性情而尤感人者無如蓼義 省母夫人差于横山之陽跋涉道途輒顧瞻哀慕而其 有所賦其甥召彦真悉手録之得如干首夫吟詠情性 吴郡沈仲說南由長洲先壁鼓校而西出骨關過石湖 而况乎不得終養者其心為何如此君子所以 7 爽白齊稿

則住矣于情性何有哉音者孫與公賦詩以伸問極之 之體用在于成孝敬厚人倫彼百銀為字千鍊成句佳 之感見于街恤如良者雖欲不為詩不容已也鳴呼詩 者獨賴祖母之存今亦已矣雖復生事死葵無或遺憾 露于横山仰天守之澄鮮撫原隰之夷曠而風木寒泉 而仲說豈忍一日忘其德哉是以顧家舎于長洲踐雨 怙且恃以鞠扮畜育者仲說皆盛失之而其顧馬復馬 又遭時太平克承世澤其視察我之時不侔矣然而 巷 大三日日三三 與賢士大夫将聲稱籍甚余竊見其風神秀的如寒 潭 粹上人由天台越海泝江歷祭浙水西諸名山而雅喜 正言紀行詩體彙編之又嘉仲說本乎性情也樂為之 其作詩者余雖非識者仲說固與公之徒敗世有君子 如蘇長公則仲說賢于叔弼矣余因彦真不録爰用崔 痛識者謂有擊我之遺思馬而歐陽叔弼居憂復有譏 送粹上人詩序 1 夷白齊稿

則其教人率先孝敬乃知世之論佛類以其談幻汗漫 墨申韓而與易論語合余時竊觀之及觀大報思諸篇 奪之也士大夫聞具行無為詩歌以美之以余辱與上 上人學禪而不畧文字為釋而知孝敬又將歸而益求 而其徒好暴文字以為萬去孝敬以為達者皆非也今 山 秋月進退止作修整開暇固己私心異之矣久之將還金見足有事 奏十三 友俾為之序古之知言君子謂浮圖氏之書過于莊 讀書密通親居無幾朝夕以報顧復之思其志不能

中而異具外可也上人勉乎哉爰體贈詩者之意書之 次でり巨人馬 常之道不二之法未始不本于人心的究具歸則同其 其所以與周易魯論合者以充其大報恩之教典益五 首簡以授之 爽白蘅稿

				THE PERSON NAMED IN COLUMN TWO IS NOT THE OWNER.
夷白齊稿卷十三				
十二				· .
		ı		<i>₹</i>



金灯世屋 君能無言乎余然後乃知同夫為豫章人當登清江記 不同然飲聚之樂未有如今日之快者吾行且歸矣諸 因惟甚頗余曰吾自北方來行數千里親舊疏數固自 徳 坐客嘖嘖稱嘆同夫首為賦詩仲瑛率衆廣和之而敬 瑛文字交而九成素善畫捉筆作山水圖輒奇詭幽 門琦上人赤城金敬德錢塘俞在明皆以能詩為仲 起行酒放歌作廬山高亹亹有梁楚間人氣調同夫 酣適鼓舞各以所長為妻于是吴興郑九成沈自誠 43 V 巷 מני 曠

為同夫贈屬余序之因以謝不敏于諸君云 客笑傲三江五湖之上以吴中山水分題得詩若干首 以其父兄師友之學相繼登臺閱顧余無似與仲瑛實 論見其文章九原不可復作而其鄉之士如同夫者其 恨 伯坊楊君李子鄒君魯堂張君宣仲皆其友也嗟乎余 公蜀郡虞公酆城揭公之門而余故人危君太樸揭君 文學才藝一何似公之甚也同夫歸矣太樸諸君子皆 とこりらしい 不及識范虞二公而幸獲接揭公之下風而聽其餘 9 爽白齊張

當世名臣所以佳子弟給事間中雅為長官所信重然 事污光王公之子也以才選為淮東的聞奏差祭政 事聞中吴士大夫皆曰偉哉趙使君真長者因相率者 多穴四母全書 性直不能容人之過人有善亦未始不以身下之會聞 為聲詩以嘉美之總若干首既故江浙行中書祭知政 至正十年故月泰州尹真定趙公子威平反王昕完獻 飲酒高會膳夫有具若飲弗謹者玩以職督責之杖 趙泰州平反克獻詩序

子不宜冤坐使世無守法者則已如有之晚其不死 而明又名家子以故人莫不知其竟者具獄上大府 脬 之二十膳夫歸越五日死于疫揚 ここうことここ 决更 **毗遠繁五毒備加不勝楚乃証服淮間居南北之** 欲因此中傷之遂嗾膳夫妻訴吮踢傷其夫右脇 獄也士大夫皆曰然政公平生所至用法稱平允其 及 誣証者皆反坐伏辜于是晚之竟始得白初晚 以屬趙公鞫之始悉膳夫所以死狀而謀中 Į 民日節高 州録事判官與毗 莫 致 有

其詩曰蔽帝甘常勿翦勿伐召伯所沒今既望公為張 其尚自爱乎吾聞召伯之教明于南國既去而人思之 昔漢張釋之為廷尉其言曰法者天子所與天下共者 執法吏皆如趙使君人宣有免死者乎趙使君真長者 矣于是相賀曰趙使君一治泰州而法為之平使天下 獄乎及其平反也則又皆曰听不死矣世復有守法者 歸禁林人且望公顧用如張廷尉廷尉天下之平也 也故在漢獨釋之守法不阿意天下至今稱之今公召

多定四库全書

发 } 十 { **蚁**定四車 全書 罪听而吾爱公則因听而重有所感也然則詠歌之發 今年秋将鼓棹松俊飛錫天竺越濤江訪靈胥過四 六藝激滌萬東于烟雲水月間復新應金石妙諮風旨 吴門金西白上人幼為天台氏之學既研精秘義又紬 乎情者其可已乎是不可以無序于是乎書 廷尉又爱公如召伯何哉益多公守法不止于活一 鄒魯百家之書間弄翰為文章從容識軌轍及 沉吟 送金西白上人将方序 7 夷白齊稿

鄭有道而下競為詩文餞既之天台陳基復進而執 重所在汝勿以吾故逡巡不前為也上人于是問津于 江上文人級蒙于邁若矢斯激播紳之賢章南之英自 因度石梁採雁宕迤運至金華泰大比邱究其所謂 人之手語之曰浮圖氏其道有三日律日教曰禪然 也佛者慧命之所由生也奉遺體以續慧命願惟 母氏察知其衷則為之言曰吾聞親者遺體之所 間法顧母氏年邁無他兄弟修養霜露載塗欲行 復 自 出

KILD IST ALMIN 忘織優師翩翩其來歸哉至正十年八月甲辰序 去就不能無所感也雖然昔有瞿曇氏躬執滴為屢鬻 空者矣世之號居名教者往往于佛氏之言怪駭好逆 曲意顧養雅好懿德在其法中可謂學知次第由相歸 以養母其徒至今稱之歲云莫矣白雲斯邈上人尚無 及退而省之則所行有愧于上者多矣故余于上人 慈悲為宗孝敬為本上人先採上来後入禪觀宜其 浮青閣詩序 Ī 爽白齊稿 瓦

詩以倡之繼而作者皆一時知名之士于是所謂浮青 明教大師嵩公之語題其扁蜀郡虞公為文以記 隠 金 越以山水名天下雲門又盡以越山水之勝而浮青之 統合儒釋妙攝空有樂與賢士大夫将故其崇臺廣原 而時可以想見一時登眺吟嘯之適遺音速韻循隱 碧相輝緣崖架壑抄雲月而挹風雨如千峯閣者 林谷中夫閣之作于斯時雖有不同自吴興趙公 在馬益自晉唐歷宋以來桑門上首之居雲門者皆 之

多厅口屋 在電

卷十四

拔出摩奉四代高界俯仰之不一窮奇極秀于干岩萬 者遂與前代之名踪偉跡競與干載可謂盛矣且秦望 とこりえ しま 爭巧者亦何能以余嘗從吾鄉石庭上人獲見名公 陶 壑之表每雨止風收天澄日暖而浮青之勝丹青善巧 獲登斯閣固已飄飄然若蹋飛霞凌罰氣而将于華藏 冶性情然非天機悟入神觀寬絕搜挟與秘與造 不能摹自者惟詩人描寫之益詩者所以形容物 爛 然如雲錦張雞然如金石奏雜然如衆籟鳴雖未 100 夷白虧搞 諸 態

古之為浮屠氏者以戒為牖以慧為户以法界為守以 勝道翰問重為感慨而已上人偶余序固解不克乃為 欲從趙虞二公将了不可得徒淑其清標雅韻于諸名 毘盧之境顧惟王謝之流風既遠支許之聲塵莫追雖 書具戴慕之意貼之上人統合儒釋妙攝空有者也其 性海為鄉以度門道品為族屬菩薩善知識為戚淵求 以余言為何如至正十年八月丁未日 送煜上人序 卷十四

金河四月在書

.J. 1. ... 1. 1. 有為特人天小果實無功德得其傳者有五日可日聲 經度僧為奉佛之至時達摩甫至東土毅然以其諸所 摩訶迦葉以佛所付心法相傳一 其法者不涉内外不泥中間不以語言不立文字心空 曰信曰忍曰能而能不生名族不居華夏崛起井曰之 王子獨得其宗當梁武深心佛氏人莫不以其造寺書 諸漏境同夢幻無得無證一切無著斯為解脫竊觀自 而得信衣于五祖忍大師及其說法曹溪大聞宗吉 いついか **総而達摩以天生名**

多定四庫全書 喪之塗而不知止使度門道品菩薩大士如果有知将 金碧為宇以富貴為鄉尚語言者以訶罵佛祖為禹攻 呼盛哉後世為浮屠氏者以權勢為墉以包直為户以 柴名為何如耶夫以達摩敝蹤王宫印契佛心能以 為天人師唐武后仄席向風物書徵召力解不赴其視 文字者以嘯弄雲月為韻甚至役役馬奔走于利害得 而宗風振卒使百世之下學佛者必以曹溪為津梁鳴 頻超佛位 則而譏梁武而空學顧一則身辭武后 匹

次定四重公等 以吾 者試以吾言質之其以為然乎否耶 或流于今之所謂浮屠氏者故推原其祖以賣告之益 煜 于杭之淨慈為具徒所推且善讀唐人詩時有所作燦 怒而斥之之不暇尚有俯而以族屬戚媚接之耶吾 一去鄉邑無父兄師友而克自樹立如此又懼其久而 可觀今年秋飛錫吴門與之語賣賣終日余既嘉其 上人幼歲出家學于湖之道場山志甚銳及主藏 同鄉而私囑于上人也然世豈無大比邱如曹 夷白衛稿 郷

皆出于西北具流皆趣于東南然西北之水莫大于 河而東南之水莫深于海方其發源于崑崙經始出于 公公為大書仲淵二字貼之間以示余且屬為序益 不乏人余所與将者曰仲淵其少也幸及見吴與趙魏 ヨグル人とう 中吴多蒨族其子孫克世積善之澤如甫里陸氏者代 名源源者水之本而淵者水之深也天下之水其源 山也尚可以徒涉及其衝砥柱下龍門絕巴梁轉巫 陸 仲 淵字説序 巷 仲

之于積善也亦然孝弟以尊之忠信以後之恭儉以將 峽率百川以委輸于海然後從澳汗漫沖融滉養潮 如是夫仲淵之字若是其殆知本也竊聞仲淵上世皆 于深淳之涯質文彬彬有長者風巧善之足以憑籍也 百年而子孫猶襲衣冠躬禮讓浸漬于忠厚之波涵泳 與時消息暑不加盈寒不加縮天吴罔象介鯨水兜之 屬朋從醌附奇詭變怪其可端倪具有本者若是乎 /醇謹以持之積之也久發之也漸紆廻衍迤更數十

大正日日 人

夷白商稿

時宰相東海徐勉同名乃易為動而宋俸臣朱動雖 吴郡徐君孟達命其子緬從余将緬初名勉以與蕭梁 者便益勉馬則甫里之澤寧有父乎庸不辭而為之序 享高壽而仲淵年垂六十齒疑不少良其所謂孝弟忠 祭川先河而後海有源也有委也此之謂知本馬其後 信益儉淳謹益出于天性引之弗替殆將如河之衝砥 江之轉巫峽其勢必委輸于海而後已馬傳曰先王 徐公遠字説序

鱼戶口及在重

題微徒以好并怪石媚人主怙思致法以固罷者萬萬 無所嫌也徐修仁顧梁氏而勵志慎行事君不何意的 之為人更名相如後世無或非之者益吴姓而賢子禮 于是無以為宜請余序其說吾聞司馬長卿慕顧相 人也昔之同姓也尚知尊而避其名則其于自修可 合身都宰輔為時宗臣而以清白遺子孫其視朱動起 同姓而同郡又易以緬益其字公遠而緬之為言遠也 A C. 10 (2) Linking 俸矣是故易勉為動者專同姓也易動為編者斥邪 夹白新岗

懋之 食哀樂以樂治之而愈仲麟多其能乃徵余文贈之詩 吴郡葛君孟颙為診脈曰是謂內傷得之出入奔趣飲 其名以為名者義與不義智與不智而已矣緬乎其尚 也而後明而遠被知能使後世不敢名其名與夫不屑 矣尊同姓義也斥邪人智也惟義也而後公無私惟智 金好四月在書 會稻王仲麟氏讀法家書為吳屬曹史曾有疾求醫于 贈葛孟颙序 巷十

多賢也哉昔者秦和論疾推本五色五味五聲必原于 家庭習聞之素出而起人之疾又復有父風何葛氏之 博辨而卒弱之于六藝其為醫視古人無愧也孟颙以 久者孟颙之父也可久甫詩書百家之言為文章奇偉 名而其上世本儒者人無貴賤賢愚皆敬而稱之曰 云無言不離無德不報乃為之言曰吾聞葛君雖以醫 天具說與周禮合鄭子產博雅君子也而論節宣之道 熙與和契吁醫豈易言哉故必通詩書六藝百家之 一十二十五 可

相為授受而孟爾起人之疾益不止于仲麟也就吾所 傳其子孫而悉與太倉長淳于意今葛氏儒者而父子 銀定匹庫全書 請而序之 秦和之說與周禮合者而盖願宣余斯哉姑因仲麟之 知而言則為氏之賢豈不信哉余愧非博物君子顧聞 言如可久者而後庶幾也就漢臨淄人陽度不以禁 夷白齊稿卷十四 方

儀其人扁龍倉公也吾聞扁龍之治疾如良農之治稼 一 飲定四車全書 無他亦去夫為苗之害者而已故醫之有樂石鍼砭毒 先王設醫師以起邦之有疾者其職周官其書神農子 欽定四庫全書 夷白齊稿卷十五 贈宋太醫序 夷日高福 陳基 撰

如宋君之于吾兄幼子之傷也哉益父母之望子猶農 毒熨非甚不獲己孰肯以三者加于父母所不忍之身 農也雖然人情之所慎者樂石所懼者鍼砭所不喜者 寫夜之不祛雖有梁向不得以為味甚矣哉醫有類于 農之禾去狼莠也稂莠之不去雖有甘雨不足以為澤 夫之望歲也父母不以梁向而廢藥石良農不以甘 雨 而廢耘柳今使吾家免秀如苗類如穀而堅且碩馬 熨也循農之有未耜錢鐫緩勸也而其為人祛疾也 綇

公賓客之選則兄弟交從之彦魚為詩為文以則之 器識流聲于世今年春將北上京師吴中大夫士非 大三日年台書 家屋公子成温文監籍而李境特以精白果毅做價有 昔江浙行中書省然知政事浮光王公紹隆閱國公世 君之惠亦沃矣詩云無言不酬無徳不報若宋君者其 字伯亨吾兄則敬德甫也 可以已于言乎不可已于言而言者詩人之意也宋君 送王季境詩後序 100 夷白蘅稿

為國馬也無疑矣雖然所貴世家公子者以克篡乃舊 復振策周行而伯樂之徒又持千金好九衢以俟其售 超乘之足生于范與之底長于造父之手既發報間 所漸漬皆勤王拊民與社稷同休戚之道夫千里之駒 遭國家承平之運握符東鐵持節揚建致位政府出 中外餘五十年凛凛有古人風季境束疑侍公左右雅 不喜弄絲竹襲統給為奢侈事朝夕之所薰蒸耳目之 金罗巴及合 海陳基復颺言而為之序曰先祭政以公輔魁宿之材 卷十

有人方慶公有子則其所以為公不朽計者政在斯行 忘太常宜有盜國史宜有傳神道宜有碑季境瑰瑋克 服始先祭政之于閩國公祭政公之流風善政沒世不 而嘉美之不足又形于詠歌夫公好惡詩人之意也願 府左翼千户馬侯有德于吾州其去也樹豐碑記遺爱 松陵子和仲來致崇德父兄之言曰前鎮守邳州萬户 也基不佞敢以此望于季境亦庶幾贈言之微意云爾 馬千户遺受詩序 吳白節高

多定匹庫 鼓壁壘整的常時而為民病者息使商者安于市耕者 馬侯在鎮兵不敢取民間草一束栗一升戍卒不敢椎 為序之余雖未識荆馬侯而崇德與言為可信意若數定軍拿書一版一級十四十 過千夫長食不過五品禄一 忘而吾不能不侯思此詩之所以作也 嗟夫馬侯職 安于野皆侯之賜也侯亦務盡其職而已非欲使吾不 耕牛聚飲博縱私鹽往來他營軍無故不敢報入境旗 卿有言善拊民者乃善用兵者也使執干戈以衛社 鎮崇德而德在人如此 日

名者富貴不足以動其心侯有文武才願自爱 我謝日大丈夫修力取封侯多在軍旅間吾聞志于功 于碑者兹不著著其作詩之意因和仲以授崇德人為 皆如侯民有不附者乎侯勛閥爵里與夫居官從事具 紳大夫為文為詩以述其乾坤草亭之勝雖乎金石之 其猶子士亨過吴始相識禹夫官将四方聲稱籍甚縉 余稔聞西昌鄭氏賢久矣今年春禹夫由天台棄官與 乾坤草亭詩序

也昔諸葛孔明躬耕隆中自許不過管仲樂教杜子美獨 陽之草盧瀼西之草堂而乾坤草亭云者益草堂詩語 屋宇之侈宜莫如金張衛霍而有志之士恒獨慕夫南 奏燦然黼黻之陳也且屬不佞偶為之序余竊怪古今 其忠君爱國之心惻怛諄慰之意雖與日月爭光可也 之用舍不同出處亦異然百世之下誦其詩讀其書而 慨然以伊吕伯方之及其自此又直以為稷契益二人 則南陽之盧瀼西之堂風聲氣韻曠世相望非以其 DISTRICT SPECIAL

銀定四庫全書

告 CLIDIN LILE 敖秀見于詩及記者兹不贅 因推本具歸草亭之意序之若夫締構之儉朴卉竹之 以自謂而充具忠君爱國之心馬異日出處或者不詭 如龍泉太阿莫敢撰其鋒退而察之未始不中肯察也 乎弱夫猿瑋曠達尚志干古開口論當世利害爛馬 引身高蹈將歸草堂益于子美所以方孔明與其所 則斯亭之在氣坤庸知不與南陽讓西者相望乎 江月樓詩序 夷白新高

時而不可愛至于江空月白以天為際 俱息而所謂天下之竒觀不越几席而盡收之則斯樓 霞島霧風帆浪舶變幻出沒于飛簷曲檻之外者益 制之偉視昔有加而江左之拳戀淮南之烟树與大 元寺災而樓不能以獨存上人歸自吴門始重構之 中書祭知政事浮光王公之所書且賦詩者也至正初 在馬樓為龍江浩上人安禪之境而具扁則故江浙 金山天下奇觀也浮圖實坊突起大江之中而江月樓 波不與萬

多交四角

全書

卷十五

嗣王公而賦詩者咸以次錄之且以書抵吴門軍余序 ここうこしここり 詩家者流詞源足以灌七澤筆力足以驅三江發揮造 之夫上人居光明之藏游浩叔之始湛乎太清種智同 上下古今竟日而去未幾上人命善畫者繪樓為圖凡 華張君率性從二公至其處覽山川之雄飲中冷之泉 監都陽周公代祀南嶽還過殊方而余幸與郡史李金 也金山之最勝者乎往歲集賢學士張掖劉公崇文少 一碧萬項與性同空又豈世諦語言所可擬議哉然 足白谷高

介然于胸中乎是則不容已于言也于是乎書 右東望閩山之渺遊撫流光以徘徊而以今思昔寧無 內于斯樓也未能盡大觀又何能以語江月乎然俯仰 之百天機玄秘非上人亦何足以知之顧余将乎方之 入踐臺閣張君近擢赴海虞而上人亦往主名刹于浙 終靡有遺思然則世諦語言雖不足為上人道而意表 化之微陵屬思神之與而景外之景象外之象年龍湫 三數年張掖公以甘肅行中書左丞出奠西土鄱陽方

多穴匹库全書

能暴民入耕者以多寡授官有差吴人彦栗强君以故 出帛祭開墾西山保定河間柱順之田遣使諭江南 飲定四車全書 京師久兵今此其時乎乃白父母募良農具名上使者 奉父母自树立聞使者至則於然日此盛舉也吾欲将 衣冠家耕讀練川年方此有識量間歲家殿于盗刻苦 至正十三年春主上用宰相之請命省臣無大農太府 即 Ü 取當熟州判官告身以歸遂戒行李率農人皆使 送强彦栗北上詩序 I I 夷白齊稿 有

(矣天子不吝爵以勸士宰相不斯財以勸農勞心者身 子紹隆不基賢宰相總文武大政前年治河决去年平 業嗚呼盛哉此有志之士侵力就功名之日也彦栗行 稻粱收干戈為耒邦興富安人長之利建萬世不拔 歌詩錢之夫士人之出處用舎顧時何如耳方今聖天 者此上祖道郡胥關外吴之大夫士與彦栗交者咸為 本歐将食之民轉而歸之農使各自食其力變寫鹵為 冠四方萬國日就底寧今又除草 英辟田野抑未崇

欽定四車全書 一 子與壞奇博達誦詩書六義百家之言及詞章有氣識 能言之士上自公卿大夫下至布衣韋帶咸為文錢之 至正改元余客京師清江宋君子與赴賴州從事中朝 之也 私于雅倉廩實禮義與而頌聲作矣事功告成明年彦 栗自北方歸拜父母吴大夫士舉酒慶尚能為彦栗賦 送宋縣令詩序 東白裔稿

荣勞力者家給将見漳水之利不專于鄰涇水之功不

争為歌詩既之以余辱有一日之雅偶為之序夫十數 時将鼓不鳴田野無悉官清政暇得以詩酒從郡太守 言之未余豈能言者哉特以常山之得賢令長甚于賴 年間兩送子與赴官皆得操觚弄翰為文詞以風晕贈 優将山水之間非若常山之民飢者待哺寒者待衣疾 從事也再遣而為常山縣分行次吴門吴之能言者復 由成均上舎生入藝文監為令史聲稱籍甚其出為郡 州之得賢從事雖欲已于言不容已也益子與為從事

卷十五

1. J. 1 ... J. J. J. **豫奇博達而以愷悌行之將見為縣令如從事視今日** 文詞送子與為牧宰而已余雖不敏尚能執筆厠羣公 和吾意朝廷不以子與私常山而能言之士將不止為 如往昔而常山之黎底猶赤子之得慈父母兵政成民 以別利器士子起諸生為縣令亦可以行其志矣子與 苦颠危嗅咻呻吟者之侍拊摩煦育于子與也嗟乎縣 以俟至正十三年三月庚寅書 令與從事不侔今日與往時亦異然不遇盤根錯節無 夷白齊稿

銀定匹庫全書

欽定四庫全書等

夷白蘇稿卷二十八至

詳校官中書臣孫

中書臣劉源溥覆勘 衡

總校官編修臣王熊緒 校對官待詔臣胡士震 腾绿監生臣許

溶

たこのう CHARLES CALLES /. J.J. The Course 相望户部君皆折節 送使江西也道過吳吳 配言者各赋詩合古今 陳基 撰

遠數千里使江西右持衡左操權以銓量行省之人物 風錐切以聚沮之以兵弗動也及遷尚書為户部郎 拜御史東筆定褒贬執法論是非凛凛乎良史静臣之 如賣育急與之角力不敢敵其入翰林為史官由太常 全鋒以與天下士次勝負矣其裒然而舉首也雖有勇 其軒輕予奪皆懸户部君之手是行也意其必乘堅車 進士取科甲盖當樣忠信之甲冑執禮義之戈矛用其

金牙四月五十

M

體凡如干首伸子為序以送户部君禮也昔户部君以

とこうし シル 以為國也素矣户部君不失大夫士心舉而措之則操 育其勢加于兵衆哉盖大夫士禮之所在也意禮之可 軒軽以予奪天下之人物盖恢恢子其有餘矣然士 郎天子使者而失大夫士之心豈大夫士之力勇于責 科魁天下士東筆為史官執法為諍臣而不敢以尚書 動之惟惴惴馬惟恐失其心是念夫力能以布衣极巍 從撤儀衛謙為甲讓自視若諸生日以禮接大夫士殷 排高盖聯腳結朝負弩矢前驅以奏耀四方乃今屏徒 100 夷白野稿

稱于鄉居祖夫人憂廬于墓侧既免丧隱居明釣以山 户部君能以禮接大夫士則陳仲舉不得專美干古矣 勾吳沈高士仲說澄靖寡欲誦詩書百家之言以孝義 至正十三年三月甲午序 風亦有下榻如陳仲舉者乎詩云高山仰止景行行止 以予奪為軒輕而以禮為去就者豫章徐孺子其人也 金牙四月白書 户部若行兵銓選事故合車而徒步豫章朔孺子之遗 白羊山紀将詩序 卷十六

1.10.11 烟雲水石間然魏公之流澤未冺天平之白雲可望也 仲說蔭長松籍豊草歌考磐之篇咏伐木之章以寄情 詠之既嘉其春容閒遠有超世越俗之思又念不得從 遺風吊闔廬之故墟引筆賦詩.恐光千首余得而諷 百里至其處仰瞻天宇之高俯瞰時物之暢追泰伯之 書以求其志乃三月既望挈所知楚人朱安道舟行數 忍去問行其傍林塢得地曰白羊山而愛之將結茅讀 水自好每衣鹿裹着萬中過天平謁范魏公祠徘徊不 16.3 夷白衛梅

率老稚疲筋 之所不及者然後人得以藝其上故必謹隄防設機械 抵具區之濱重湖複陂浸淫決漶引三江而歸之海 吳 它日命車白羊之麓敖門處士之廬而其丘其水将 多兵匹庫全書 郡屬部 以援其勝則是詩不可以無序故樂為之書 僅以輸租稅供徭役否則溝塍献灣淪胥為洪涛 送趙知州序 由縣而升州者吳江其一也雖地方百里大 力敝敞馬日與水争利幸天無淫雨歲 巷 因

大王日上十二四 筋學校簡詞訟以崇本抑末為務設施次第恪守章程 之下車也當國家責成守令之時便首勘農桑均賦役 之以廉行之以恕如前知州無山趙侯其底幾也初侯 才足以寄民社明足以聽獄訟敏足以裕軍務而又濟 故任師帥於此者視他州亦難其人必德足以宣教化 水陸之咽喉符節羽檄旁午釋絡防守供億百倍他邑 及南北徵兵調發無虚日侯鞠躬凤夜弗遑寢食而 人困力殫而有司十一之征上下交病矣其州治又居 爽白齊稿 Ø

州人之思禮也 成之意矣三年政成解印綬戒車馬還京聖君賢相方 金グロる 獨論次侯在官盡賢師帥之職既以餞侯之行復以慰 公卿大夫接武周行以熙庶務皆分內事不敢為倭颂 綜核名實勵精為治若倭者考績酬庸將進而與中 不廢耕桑官不缺餽的使車別傳援甲冑援桴鼓之 肩相摩而踵相接者不失勞來之禮噫侯可謂克稱責 1:1:11:10 送徐仲剛詩序

與名公巨卿将意氣許可有國士風倪君讀古人書忘 倪君嘴書自娱其子弟各習知其父意仲剛獨壞奇 不與流俗同 士大夫不是過也兩人者所超不同要其歸激昂砥礪 飢渴為文章有魏晉問人氣韵其高不仕之節漢東都 剛徐君之子倪君之婿也徐君俶傥好義博雅有識度 無錫兩君子其一曰徐君元度任為王官居京師有聲 一口倪君元鎮隱居求志著書自善余皆辱交而仲 汩沒然兩家用是日益貧徐君微禄自養 Į 夷白蘇稿

賢大夫也仲剛勉守哉凡與兩君子契厚者咸賦詩以 於天者深而失於人者鮮如是哉雖富貴利達不足為 至正十三年夏五月海漕發吳門漕府史吳與則君九 美仲剛而屬余為之序 仲剛道然奉以周旋弗敢失墜此季文子所以為魯之 給好禮而文居則從婦翁學為詩出則從父将於宦夫 生長為名父之子出處問學不難二父之間仲剛之得 送到九成詩序

文と日日とい 章居然作者乃今職文書賛海漕進無金革矢石之虞退 聞風率配处匿蒼皇賊縮願宥罪自新用是人心之憂 遣將即出師四討蚊蚋螻蝖蠢動無知以次殲蕩海鬼 孽浸延江淅羽書徵發驛騷道路無虚日人心沟淘久 成實資幕府吳士大夫食賦詩以錢其行且曰去年春 更釋然以喜九成博古通令器局弘遠論議慷慨為詩 矣頼天子神聖賢相忠良命廉能果殺之臣協清事分 海冠犯崑山襲輝讓憑陵作氣勢以抗逆官軍淮右狂 **1997** 美白齊稿

堡嘆不足而詠歌之以極陳所遭之美異日南還解行 之隆盛所謂詩章九成之所長者将與中朝能言之士 瞻都國之雄俯則覽山河之壮感聖澤之汪減侈文物 劾之日也上尊之既宫錦之祭視昔有加而 九成仰 餫甫至夏饟踵來此國家萬世無疆之休臣子修力報 御百執事內以給宿衛外以足軍旅者不日達京師 里而億萬之栗上以祀天地宗廟百神下以禄三公九 無父兄妻子之慮左川后右海若風恬浪平一日 贝

金少口及人一


Valore Lila 将三君子問駁駁言行讀書作古今體詩不蹈時俗執 處不伴要與程君皆强志篤學為文章不能仁義叔良 翰林待制武威余公所而雅與新安程君以文善子雖 豫章徐君叔良從其鄉先生楊顯民氏學在京師也容 讓未遑為辭也 李出所有吾黨好事者將争先觀之為快九成無以謙 不識顯民幸因程君而識武威公武威公視顯民錐出 送徐叔良序 爽白齊稿

精身通勞而志不少衰需次翰林為屬官老且至矣叔 轍及武威公出愈浙東憲事未幾去官居准西余亦親 也吾聞古之道不足取於今然乎否耶雖然深山之木 過吳門將歸豫章不果又復如京師噫是固學古之道者 則與权良年相若率彬彬向用程君仕官二十年業逾 老還江南叔良與程君留京師京師之士非程君行軍 金好四月五書 良學顯民氏學為武威公客又從程君居輦下借勢王 公大人希進取宜無難者獨辛苦憔悴由京師數千里

性庸記知非造物之意乎方今里君在御賢相在朝左 成萬物也士之困窮憂患損踣無即所以動其心恐其 之餘盖損者益之本敗者成之基此造物者之所以玉 都邑之用者而木之坚實美澤恒出於風霜雅枯拉朽 巨細林立匠石操斧斤過之必取其堅實美澤中廟廊 Selection Links 推而踰堅枯而彌實拉朽而益美且澤者為何如也 絕墨右親矩以待天下之人材梁棟榱桷各随其器而 任用之岩穴之材如顯民者将不得棄於斧斤之外則 夷白番稿

則造物之所以司絕墨職規矩者之計久矣兹因叔良 金牙四月五十 哉夫工商梓匠邦國之用器械之備養生送終之不可 夫之樂道仲章者咸贶之以詩仲章亦何能致多若是 天台盧仲章以能刻金石為印章知名士大夫問士大 行以此謝程君并以為权良贈云 以或缺者也必服牛馬越川谷達陵陸窮深極遠於中 國而後可以通有無利器用而乃宫室具爲然而商不 贈盧仲章詩序 卷十六

大き日本 ハイン 章之藝亦善矣古者諸侯謂之章大夫謂之印今者夫 雖若無取於養生送終然大夫士似亦不可少馬噫仲 為商子則衣冠之所樂道而與進之不服牛不駕馬無 超者異也今仲章之藝以為工子則大夫士之所齒以 陵陸之勞無川谷之廢而亦以其藝交於中國其為用 齒於士大夫工不得列衣冠之末何哉所業不同而所 人而用之矣仲章以其藝将於公鄉大人之門而切切 然從大夫以求其言何為也哉兹者有請於予也因書 夷白齊稿



銀定四库全書 兔之毫豐孤之脫縁節亦云侈矣以之為書則 偃仰乖 蛟龍而鋒不到乎筆不銛則雖文犀之植象齒之管秋 干将莫即不克以朝秋蓬剪腐卉尚奚取其斷犀象屠 乎刀不利雖有桓公之慈文王之琢太公之闕闔問之 稍喻華馬故揚子雲曰刀不利筆不銛而獨加諸砥信 余且就生之業而為之說可乎昔之善言書者盖以刀 则 向背失體縱横牽擊不通人意而書之道幾息矣 砥削者固輔刀笔之美器也士之為士也亦然不 巻十七

事不徒藝其藝將思所以試其試吾聞之有為者亦若 博之以文則學不能殖不輔之以友則德無從立故詩 大是四軍公告 一 稱乎其字也是故非學不足以為士非友不足以立德 日朋友攸攝攝以威儀孔子曰朋友切切偲偲揚子曰 所以羽之翼之左之右之以圖不朽者也噫生也不徒 朋以磨之友也者其為士之砥削乎甚矣哉生之業克 名其名将思所以行其行不徒字其字将思所以事其 非言不足以垂世非筆所傳則不博而筆也者又士之 夷白齊稿

殺守宰政陷湖襄蔓江東西羽書旁午告急無虚日人 憲吳下督行省兵樂海冠未幾准右妖孽竊發屠郡邑 是生之業既切於士之用生之字復切於士之學余且 至正十二年春朝鮮李公仲善以浙西道廉訪愈事 非好道者然則予勉之也非遇也 好道而進乎技令生之業非直解牛者凡也又庸知其 以是為生勉世之樂與為善者得無以為過乎音庖丁 李僉事政績序

務之急宜莫如城而吳城故問壯周圍四十里舊址頹 百物具為特盛倉廪府庫之所儲時歲輸京師以供天 颐粤西連荆楚無 高陵大谷以為之阻東南所賦水土 議下衆口交怨公乃集父老而諭之曰國家以熙洽之 地謀繕完之役最巨承平日久民習宴安不可與更始 地神明之祀軍國之需與夫民社之所恃以為重者當 心洶洶吳為江表大郡界居水陸之衝東濱巨海南控 仁汪滅之澤休養生息爾父兄子弟久矣一旦冠起

改定四年全与 一

夷白齊稿

卒淮獎問環地數千里生民塗炭其故何哉城郭廢而 雷動公不惮暑喝親出入版築問勞撫士卒以惠齊威 害而不與两父兄圖之如事勢叵測噬腳之悔將誰任 築有差民俞俞然超事設楨幹審矩度萬杵齊奮般若 世世子孫將永利之乃計城丈尺視民產多寡募工分 爾力新爾城深爾池整飭守具豈惟倉原府庫是頼爾 之吾聞備禦不虞政之善訓也故曰有備無患今吾用 多ジャル 兵華不飭也今吾奉天子命軫民生疾苦目惻無城之 卷十 文定四年 白馬 筮吉告神又具牛酒稿士卒報成事禮也方是時 冤入 死者尋督兵討捕獲首賊張嗣七等餘党復散入 複饒 得則誣以賊執送之官侯察知其奸悉放之民用無家 撫慰而放其脇從者奉詔古也市并無頼勒取民財弗 杭繼入湖常焼民盧舎封庫撒縱四掠燈處熾甚退猶 以勤率情巨萬之費非常之功三月而竣公既統有司 出沒不常具壞地與衛犬牙相錯開化為獨之咽喉 七匿山谷間侯曰民不復業邑誰與守即馳至縣招集 Ų 夷白齊稿

四方多故首與學校以教吾子弟歲早則禱而祈穀以 色父兄既刻石紀侯之績復相謂曰侯始通守吳邦屬 首四百餘獲方普德一百十九名賊勢乃哀衛得以安 勞有加九月賊勢復盛鼓行過富樓侯督軍民夾擊斬 一賊於落坑殺賊百餘首生擒十有二人分省多倭功赏 之七月侯還至郡分省以寇未平復粮侯追捕八月 保乃益募兵分守要害地已而賊復至侯率兵拒戰破 東有衛指門之有户也侯以開化失守則獨存亡未 金りで屋 1

以桿衛我井邑侯治郡為賢投守討賊為良將即進不 貪功退不狗私不虐無辜不專威福折衝果毅而濟之 活我老稚冠至則躬樣甲胄胃失石出萬死不顧一生 1.1. 17.21 1.1. 務修力以身殉國用命者賞無狀者誅坑慨激烈士 鉦鼓之聲接吳壤浙右騷動吳獨以公故無恐公廉明 以廉和侯之德非石不傳盖詩所以美盛德歌体功而 敏斷行事適機宜申嚴約束日夜循行并里軟血矢泉 丕振吳民老 稚相慶有歌曰公城我城公屬我兵公用 夷白齋病 氣

多方四班全書 真古之遺爱于乃論次公政績為之序以慰吳人感戴 於吳達之天下而與人之頌史且不勝書矣噫李公其 也天子聞之賜公爵優二等盖將因是而大公之賜始 法平又歌曰公保我妻孥公衛我室家公我父母報公 之意以布之四方以侈公之德惠樂為天下道也至正 何有君子曰李公具古之遺爱乎何與人頌之如子産 十三年春三月書 崔衢州政績詩序

COLONE VILLE IN **喀衛之民其善知侯美國家承平日久民不知兵一** 賊通獨開化失守二十餘日居民驚散者復完聚也意 燒民居縱肆刮掠冠常山及江山時侯以同知升抵管 者們有在侯馬初賊陷藏饒乘勝入衢之開化踞縣治 准右妖冠為難禍延江東西守吏號能執干戈衛社稷 變起不測所在肝腦塗地井邑丘墟禍亦條矣誠使撫 設方畧利器械備禦惟謹至正十二年閏三月也未幾 字得人政 平於理則民入有父母出有司命而金湯之 吏白頭稿 旦

之碑衛城火獨侯之第無恙則天之春祐賢侯將使人 書褒獎增秩賜金以風邦邑乃嗟嘆不已而詠歌之其 固不在堅城深池而天下义安矣令獨有賢侯誠宜璽 豈惟侯之故哉亦樂為天下道也至正十三年八月既望書 感之如狄使君而反風滅火之異又将愛之如劉太守 亦有待於觀風之使乎且聞賊在開化時獨不毀崔倭 也余不佞敢論列咏詩者之意為之序以慰衛父兄夫

間而惟允尤善鼓琴擬古人摹寫山水木石為屏障現 徒四壁獨遺書數百卷母夫人日夜督惟九與兄惟寅 翰臨川吳文正公誦詩書百家之言以隱德終於吳家 大夫居南康遂為南康人其先君子天倪甫師事故內 子友陳惟九世家関州七世祖宋宣和問進士歷朝散 誦習之二子遂復儒業起家從客文藝出入縉紳大夫 跪怪奇可爱今年春将去吴往金陵因北上京師從四

改定四年全等 四

夾白齊稿

方名人魁士振纓儒林楊聲藝苑以其所能自見母兄

躬孝友駸駸信讓能文章為住子弟先民有言指之 使之然哉盖富贵無常不可恃也陳氏由閥州徒南康 堂大厦出則結腳聯車果何如人哉然不易世子孫或 弟賢屬以一言壮行色噫世之飽梁肉襲統綺入則華 樂其志既敢吉東裝以戒其行且以余同姓雅 又自南康寓於吳門使仰數世徒以朝 飢寒困踣或為屠販為奴隷甚至為溝中之齊者又孰 **亘延至惟允兄弟孤落貧宴亦甚矣然猶** 散府君遺澤綿 知讀父書 知其 文艺习事心 者咸賦詩以宣楊之矣余不佞敢申一言以為序至正 括其羽也今惟允以孝友為鉄以文藝為羽以孤落為 之業慰母夫人之志廷續朝散府君之遺緒常所往來 殆養由基之於射發則無不破的者惟允行哉嗣 先君子 砥以貧寒為枯其材精其器利其去而與英俊角技能 益敗之而成苦之而樂此造物者之於人所謂砥鏃而 十四年春二月甲午書 送李徳中序 7 夷白齊稿

金ラロス 徳中善者成送之妻江之上且賦詩以華之盖徳中以 担干里唐之陸運水行率数十鍾而致一石者其得失 精敏練達克已清謹事賢漕長為良吏有多士之譽斯 國家歲清東南之栗每春夏由吳門 行也當見兵部公為我謝曰聖君賢相紹隆大業廓為 江左衣冠家少從其鄉先生今兵部貢公伯仲将且宏 今年夏清府史宣城李君德中以次當行吳之君子與 為飯道利舟楫為車馬其視秦之飛多輓栗漢之負 抵直沽以億萬計

德中者兵部公顧不喜數况公以班馬之倫居列鄉之 時有志之士於此執文書恭幕府矢先士大夫修力如 夏運若干萬分饟淮楚因時愛通以發清事比干載一 10. 10. 1 V 1. 朝能言者並為文章頌吾君之德美吾相之功經鉤炳 位且世為太史氏感明良之相逢親庶政之軍舉與中 河之南遼水之東置庸田漕運司使地有餘利民有餘 不翅十萬矣問者又大興農政遣使江淮募民入耕大 力功成事集将見中土之栗又百倍東南矣今歲可省 夷白齊隔

問垂休無極鳴呼威哉斯人臣之幸際也德中行矣清 多庆四年全書 東南人共歌之余不传亦何幸獲覧馬 事告竣讌勞禮罪從兵部公優将咏嘆當筆受以歸貽 夷白齊稿卷十七 卷十七

欽定四庫全書 與教授君将時弘道方與其弟工文章為舉子業未幾 及莆田陳公常欲薦入詞林未果而教授君卒於家余 昔 大三日三年 公書 夷白齊稿卷十八 鄒君弘道之先大父教授君以能詩知名故國子監 序 送郭椽史還江南序 夷白齊稿 陳基 撰

余将 善莫不為余稱弘道之賢而余故雅知教授君平生宜 数十百人角勝負及天子臨軒第士弘道遂以進士擢 金少四月白電 立為鄉黨崇顧非鄉氏祖孫非常之慶即弘道之禄 有令孫如弘道者切念教授君積德使假之以年則其 建大父矣然罹第為名進士居官為良有司辟行省為 第得官歸江南余在京師京師之人知余與教授君 弘道裒然舉首於数百人之中為天子門生克有成 北方弘道以賢能書薦於鄉尋與計惜上春官 與 不

· 與民以刑憲属民且旦夕遣役呼囂挾通至鷄大不得 旅教授君雖故亦可以無憾矣今弘道為西省使者告 才樣史凡所以為揚名顯親計者未始一日不奉以周 雜於吳吳父母之邦也弘道不敢以使者自居以身出 鉤其事重其勢急有不得不爾即令禄史君為隣省告 寧者此其以他使者待矣人固宜爾即抑和雜以備軍 謂曰鄒 入民間與民互市所羅維不肯而人曾不知擾往往相 禄史不以官庆民夫豈以鄉里故 即彼以榜牒

東軍司長 公門

夷白齊稿

事耳其事竣還江西也吳之善於詩咸賦以美之余辱 其 和羅為名而使民不堪命亦豈使者之心哉禄史君讀 待民以時價不擾民而民難殷削亦将樂與為市矣以 羅父母之邦固自與他使者不侔然他使者亦以和 其間與當時廷臣力諍之顧育以告羅愕然而駭以病 前史至唐元和年間和雜之害甚於賦稅恨不奮身出 鄉里父兄子弟即禄史君公平康恕使得行其志於 則其張之拿之左之右之將無施不可乃告羅特 平

段定四車全書 余世有姚童稚時往來田問出入桑梓未必不相識 接之余聞上人之賢有日矣今年春上人來吳門相見 精進甚力問與大夫士楊權古今文藝肆筆為詩章奕 與弘道厚爰為之序云至正十四年夏五月甲申書 握手道故問鄉曲社里熟遠熟近熟親熟碌乃知其與 奕有奇氣偏訪浙東西名山長老大浮圖莫不以禮引 余鄉本上人立中出家雲間衣租食淡完心禪理夙夜 送本上人東歸序 7 夷白霸稱

人不幾終身為胡越之人子上人貌甚偉氣甚温志甚 襄垒事徵余言以為别夫去問卷遠親戚二十年服浮 同席食同門飲同器雖終身不厭余方資上人以将乎 弘開口論文字上下縱横反復空有弗畔於理與之居 面各不相識非假文字之殷勤語言之個契則余與上 各走四方所學異師所習異業所超異途一旦卒然見 方之外上人顧以大母之喪將東歸臨海省父母因奉 屠之服言浮屠之言宜亦浮屠而已矣今劳心役形不

情之所 上人以 昔 黍 之心夫豈直以詩篇自娱徒取如么經孤韵瞥入人耳 目之為貴哉世盖有儒名而墨行者吾於上人又奚取 田問童雅桑濮之少年也倘亦有邂逅不相識者乎 上人歸矣鄉里之老者死肚者衰與上人将者皆 稷余将奉老母歸田里 吸殺飲水優游卒歲以樂其 千里走山川胃霜露辛苦跋涉以底幾其生敬死京 親而 不忘故土也為我謝諸見弟曰華我廬舎藝我 歸余以親而 爽白酢稿 留高雲孤飛懷彼故本此

志矣 **銀完匹庫全書** 資糧器械百物之需率取之平江嘉與松江盖此二路 浙 莫濟使車驛傅之塗往來北南幾千里一執四願皆 與嚴饒義興冠攘完孽出及之境相接溝塍此會并分 暴布大川 府 水西諸郡 無平原大陸山川之阻非若錢塘吳興毘陵壤地 送張知事序 小源與三江五湖 出賦稅奉國家多寡固有差然近歲兵與 相呼吸人居其土非 册 楫

地勢得完然用是水陸之輝鎮士卒之調發器械百物 烏合蝗聚之徒相煽誘肆妖毒攻掠城村所在崩溃 Þ 之徵求不責他郡而於區區彈九之地日給月供家疲 繼 唨 父兄勉馬鞠 其 浦 獨此二路一府以水為封城利城守不利野戰僅以 耗而與被逐之邦俱敝矣獨幸各得賢師即拊循其 溆蒲華 旅洋見雁舊鹭之區煙波漭蒼舉目無際 地 非 μ 陸之咽喉望書羽椒非有故不至其民勤 躬彈力公上松江路又僻在 夷白齊稿 73P 败並海之 相

時使其民宴如益知尊其君親其上錐 且 司 则 於農桑幸歲無旱澇蝗盛之灾加以賢師即撫字不苛 克巴廉 其俗號易治大名張君師 從事居幕府發師即 舎人再調而為其府 光大且權與於此矣於其行吳之能詩者屬余序之 桴鼓之警則師明之賢將與其師師 謹與其從弟户部郎中師允俱有聲於時其 布聖天子恩惠於用兵征 知事師 明由 明讀書知古今達事變 國博弟子員為侍儀 並稱東南而 有供億之 煩 討 榮 而

銀兵四群在書

基十八

工文詞同舎諸生皆自以為不若方是時先集賢文靖 彬馬今都水庸田使宣城貢之為博士弟子員也學古 余序之至正十四年十月朔旦 公與中朝學士先生並以老成魁宿待詔詞垣言道術 國家承平日久公卿大夫以文章政事起成均者盖彬 本周公孔子孟子之言文學則由贾誼董仲舒劉向 友迁軒文集序

|天年日年在

夷白齊稿

司馬遷班固韓愈歐陽修之倫一時作者祖述詩書憲

業為務及釋褐授官遂供奉翰林累遷為翰林待制 章禮樂為聲歌則薦之郊廟為典冊則施之朝廷皆博 金いし 名天下矣今上虚心儒學銳意治統至元之治宰 子司業間以理官出獻紹與路獄三年政稱平允延祐 綜古今成一家言盖三光五岳混一之無至是而盛極 公學問足以經緯人文政事足以羽翌國家之盛則 **矣公以** 搢 以來諸老先生謂有後者惟文靖而公遂以文章政事 紳住子弟出入諸老先生間折節以立言修 をナハ 相以 國

靖 班 誼 謨導楊 陽 不得久居朝宁見諸事業惟所傳者獨空言已耳 勢又得與韓范富 次定四年全号 固之还史韓愈之原道皆與行宏深為一世法然皆 之論治道董仲舒之究天人劉向之明 公之後有人至此而益信矣且自古能言之士如贾 氏以文章 駸 何 諷諭 用 致 顯其詞令褒贬既敷之於 復者之於雅誦奏之於 位通 in the 諸公並稱為人杰今公以文章 顯其言婉者宜頌清風 夷白齊稿 神明而其聲光位 訓 經 穆如之中 誥 中之於 術司馬遭 然歐 政 事 典

都 後之言不徒信於今傳之後世自足以取徵美公之為 直者宜諍凛子褒贬之體也叙理 子公名师泰字泰甫友迁軒其自題也至正十四年 以廣宣導形諷諭將使聲光焜燿位勢崇隆而文靖 道義則委折而從客大者可以著詞令明激 月庚子 集岩干卷因 水使者至具門也基獲親豫章塗貞叔良所 論次所知為序以質之於當世立言君 亂 则 明 白而 楊小者可 編友迁 朗 畅 有

惟 童類鶴髮起居步履飲食益康健公每侍側下氣愉 徒眾畫夜演佛事猶勤動不懈母子禮母氏年八十 崑 忧堂禪師顏公迎其母於輩昌郡之翁州築室平江之 能堪乃兇善畫者肖母像奉供如生日卷舒展省以 こうこう 然樂而忘梓里母氏以高壽終公働心威容哀毀 山資福寺西數百武修養惟謹及為大浮圖領寺中 母意是順盖公不以浮 奉親圖詩序 7.1.7 夷白癬稿 圖儉其親母亦於身安其志 慰 餘 不

教者於孝不暇惟律以五戒有一舉足不敢忘又母之 者世以釋氏於親二本豈其然哉公将於方之外而雅 禮不以出世間而或敵馬則有若一舉足不敢忘其親 衆談出世間法而 記美之至今傳誦不衰公氣字魁偉應事機警日與徒 恩者故古之浮圖有棄住持事引歸織屢養母者僧史 問極噫此仁人孝子之所以厚其親者公豈以方外 "釋八書有報思經以孝為修彼以虚空為體文字為 不徒以空虚為事至於養生送終之

一 多 元 四 月 全 書

を十八

與播紳大夫 為文字交大夫士成為詩以稱道之盖将 天足日巨在 **贻之後續僧史者及馬余與公皆東洲人故為之序至** 胃濕熱投藥療之随愈景仁思欲以言美其術余雅知 西夏長壽君景仁以湖廣行省理問所知事乘傅使吳 正十年九月望日 田副使高公公以曾君彦魯薦彦魯診脈曰此病在脾 適母夫人病中滿黃發外且剧景仁憂甚問醫者於庸 贈曾彦魯序 夷白蘇稿

農水遺書於天下作史者取以列諸藝文而與六經 事凡 之疾 景仁事親孝而彦魯為大府史以醫游公卿問其起 金りによくこ 厳之供著子岐伯泰和榆村之数然自秦焚典籍而醫 儀之書五氣五聲五色之審顯乎扁盧之技而九竅九 稽其事以颁其禄而五味五殼五藥之劑存乎神農子 方亦與聖人之經並廢至漢廣開獻書之路 邦有疾病者成造馬則使醫師分而治之歲終則 如此皆可書乃為之言曰昔者先王立醫師 使謁者陳 治 醫

家之書近傳於後世者皆李柱國之所校也夫脉有經 Kalow Kin 守之以為律令者也盖醫之用樂猶吏之用法樂以去 世浮於公張長沙近世劉河問張易水李東垣之徒共 絡骨節陰陽表裏之殊樂有五苦六年水火之濟而治 之此皆神農岐伯子儀盧扁秦和榆村之倫起度權立 有鍼石湯火酒醪之異因脈以察病之淺深在腠理者 湯熨之在血脉者以鍼石攻之在腸胃者以酒膠散 矩稱量衛按絕墨與天地参為生人萬世之計而漢 夷白齊稿 <u>+</u>

金页四月在1 馬今彦魯之禄不制於醫司職守不掌於醫師而邦之 疾也今秋滿將辟漕府史使由此而升則其登顯榮 あ 之母夫人者皆可稱也然究其業方以儒術縁飾吏事 有疾者造之恐後不待歲終而其起人之疾如起景仁 病 郡長吏除民間疾苦又若用湯大鹹石之屬以去夙 法以除弊故禮不足而後法施猶養不足而後樂用 名法家之說習之如習神農子儀之書其執文廣 如太倉令長沙守者殆猶策駁馬以適蔗前非 巻十八 食

State Little 景仁之意申而言之非敢為考魯告告其知秀魯者必 以吾言為弗戾也 日千里不止也告之論為國者盖以醫取喻馬故余因 夷白齋稿

	1002370	Constitution of	(Marie Assertation	ir samaarea			8
夷							金万四百年主
白							四月
齊							生
夷白齋稿卷十八							書
仓							7
7	i i						,
						7	
							卷十八
							1
			İ				
						-	
							-
					٠.		-

欽定四庫全書 君子之為僚吏得賢公卿而事之則政斯舉矣今海道 祭半漕民几户告病公奉聖天子命以漕事為已任南 都萬户明善公之總漕政也屬海冠之餘糧艘陷沒者 ... 夷白齊稿卷十九 序 送陳景初序 走白野福 陳基 撰

銀定四庫全書 史遷漕府史所至皆以才能為長吏所信任聲稱籍籍 皆出於公之明斷而其從容發襄動適機宜非賢僚吏 道也景初瑰偉卓達雅有器局起家憲曹由益 亦 奮發其轉旋操縱之機所以為國計軍儲深長思者固 願以材自効譬循管壘士卒一聞軍中號令氣色問 下車問事緩急審次第而為之令行禁止雷動山立東 何能以處公幕下此景初陳君所以得事賢公卿之 郡邑守宰受牒聽令惟謹一時僚吏莫不爭自激昂 DE U 卷十九 、杭大府 不

甚矣繼其任者徒手以仍其敢春夏兩運亦欲以時達 然宥於皇仁之內雖有深涉之勞而無不虞之慮盖八 門達直治履洪涛如平地視萬里猶咫尺上而佩金符 久矣自國家以海為漕渠歲運東南之租賦每夏由吳 ここうに 素以豪傑自命者顛躓碎易袖手而無所措其到 十餘年於兹矣及一旦鯨鯢悍然不安天常憑陵鼓盪 館緊緩為萬夫長下而掌文書佐轉輸居惧府者皆妥 被浪翻里舟利稱靡爛虀粉於狼狽之項董漕大臣 夷白癬稿 衂亦

失舟一壺干金宣虚語哉今景初秋滿将 京師 一多 定四庫全書 视漕臺益珍使移事漕長之道以事連師折街咨畫将 卒之際利害叵測 亦誠不易矣然則平居無事人才若無與於世至於倉 等周旋乎其下則洪濤萬里無經而欲行無異而欲飛 刃有餘之地 庭晋升中朝莫不皆然則事禁名齊臉仕拭目可 11 有 明勇如公者紀綱子其上賛助得人如景初 则 間外之政亦運掌矣異日又移此 始知得人則濟非人則蹶嗟乎中流 卷十九 調聞外之機

學大夫士與上人善者咸賦詩壮行色上人吳人也吳 已甚清苦今年冬將挈餅錫之四方泰大浮圖以印其 吳門哲上人事其師學出世間法居城東祚真蘭若克 於其行也吳門大夫士咸賦詩錢之屬予為之序 為沃壤其俗喜事佛好布施佛之徒往往飾梵字崇塔 廟有餘貨軟買良田厚積貯善貿易以為常住不朽計 送哲上人序

大王司馬上十二

夷白齊稿

蓋其習俗所尚從來久矣自兩淮用兵資糧器械百物

圖 勤修惟知有出世間法上人今将浩然四方将泰大浮 引去城東祚真小蘭若耳其師弟子顧優游無悉風夜 佛之徒亦且役役與齊民奔走有司出賦稅以供上方 之需取於吳者無慮十八九民力耗敝事佛或少懈而 圔 彼為常住計者皆求多於世也求而不知止患熟甚 實坊魚鼓不鳴平時累數百人為徒者至是皆相 関馬惟恐不給也是昔之所常產今適足以為患浮 視去就若無毫髮係累者蓋上人之師徒不求多於 幸

往而 大三日日 A 乎吾聞浮圖氏之法無中邊無彼此求之者無遠無近 與錢塘吳門既爾則其他可知已上人此行将何所適 坊子抑猶有昔時規矩弗墜也且向之特威者莫若吳 馬今四方名山具存而其聚林凋落亦如向之所謂實 師 請将於方之外者也上人不求多於世斯行也將無 物我於一途等虚空為法界不舉足而四方見前此 则无明其號也 不自得尚何憂襲林之規矩墜哉上人字古心其 是白蘇稿 M

大夫之天池也士之生于斯世尚耳目聰明心志卓学 者則思将乎通邑名都以廓充其所見聞譬猶無之處 金以正五 池 人之厭江湖者則思山林厭山林者則思城郭居城郭 不至於奴隷貧不屑為販買工祀之事非詩書之言不 足無拳學之疾肩背無個倭之患贱不至於馬醫辱 生羽翰絕雲漢負青真以達於天池而止馬京師士 沼則慕湖陂處湖陂則慕江海處江海則又欲脫鱗 送 1:1:1 陳希文北上序

くこうこ 之志則出矣顧余與希文生同姓居同里學同業而年 青都如吾友陳君希文者豈不卓然現偉之士哉希文 越左板鳞右附刷刷刷馬洋洋馬剝到子帝鄉徘徊子 而 没乎江湖福遲子山林浮湛乎城郭居里而處汙局縮 衛子樽俎才智可以効官使於駁奔執事之間乃可汗 冠言可以信乎朋友貌可以接乎公卿大夫氣可以折 偃蹇徒資弘嗤於僕妄甚無謂也故必極泥塗擊奈 非禮義之地弗踐非逢掖之服不服非章南之冠不 1.1. 3 夷白齊稱

多穴 四月全書 徒以視希文去而折衝於樽俎奏劾於駁奔執事者始 安敢語天池哉余不能俛首帖耳以徼幸天池之有力 章甫居則誦詩書行則循禮義踽踽以自守長長而無 者徒因希文行書以既之 猶 偃僕而 相若疾不至於拳學而不得随希文以為先患不至 斥鷃鼓異蓬萬之下而不知九萬里鵬之一息也尚 奴隷貧錐欲為賣販工祝而不可得徒以服逢掖冠 不得從希文以為後賤有似於馬醫辱莫翅 13 卷十九

政欲授之得人以活人耳昔宋氏渡江良醫之在中州 とこのえ 大無逮事移陵國亡退隱民間未始輕以醫語人而 者河間劉守真氏戴人張子和氏真定季明之氏三家 長桑君十餘年而始得其禁方長桑君豈古吝方者哉 余觀古人以方術相授受多不苟扁鹊古之良醫也遇 所遇之時異也宋末江南之人惟羅無氏之傳得其宗 之學同本於黃帝扁鵲而其用則有攻補之不同者蓋 朱氏傅授醫學序 Line of 夷白癬稿

倖人之不死者非良醫也醫之無師久矣嗚呼吾安恐 號為良醫者皆有師今之為醫者不必師徒守陳方以 書也顧非通於儒者不能讀而醫固儒者之事也古之 之風而酷好醫方術當讀素問而寫嘆曰此真載道之 卒未有能師之者儒者朱君彦修飭躬礪行有古君子 於其門日且養不少動羅察其意誠始接見之與語大 有言羅氏者君候之累數十往不得見君因旦日往立 為是哉乃發憤求師不遠十里走吳楚不可得復至杭

多分四月白電

EN CHAMPER IN 若干卷夫羅氏不輕以語人而君得之亦不易宜其信 國手名東南而三家之學不專於中州而君老矣門人 死無不切中一時拘故方之習者亦因以丕變君遂以 微者積以歲月然後出而視人之疾如是而生如是而 太素內外甲乙等書以及百家罔不贯穿而得其精且 人矣君拜受之遂以書歸讀之反復研釋上達於靈樞 **悦乃盡以三家之旨告之并授之書且曰熟此可以活** 往取其書乃無其歷武而驗者論次而筆存之總凡 英白齊稿

章君道寧世為中州衣冠家由浙西憲曹碎為崑山常 受淵源之自使醫者不可以無師而得師尤不易云羅 弟子趙君以徳而獲見其書以徳屬余序之乃述其授 金罗巴及人 熟兩州有能聲浙西部使者賢而薦之為福建奏差將 羅氏視古人可以無愧矣余雖未及識荆幸因其高等 之深用之效而其書自以傳諸其徒而淑諸其後君與 氏名知悌君名震事至正十五年正月 甲子書 送幸道寧詩序

行吳中大夫士與道寧善者送之都門之外有酌道學 文三日日 A M 閩特遠部使者職任風紀於此視他道尤重蓋奏差古 百粤皆列職方而福建七閩為江浙行省所屬大藩而 関地秦漢以來始隸中國今天下一統四夷八蠻九貊 讀書知古今為詩文奕変有風氣吸殺飲水而牛羊之 食升斗禄耳而獨以廉能有聲為部使者所知盖道寧 泰弗問馬其素所蘊蓄者未易以淺近窺也福建古七 酒而為之言者曰道寧起憲曹執文書事兩州長吏所 夷白蘇稱

好無施不可夫豈惟行人而已子問雖遠且阻然素稱 義應對從容動中矩發此皆其素所蘊蓄者等而上之 方各道奏差悉主之非明憲度習文法嫻解令飭威儀 行人之職也凡部使者有事於行御史府及中臺或四 金ジログ 廉潔本之以孝敬是行也吾見其左右部使者從事問 者不足以堪比任道寧起身憲曹則憲綱明矣佐吏兩 以事周旋行御史府中臺四方各道發襄有禮進退 則文法習矣讀書通古今則解令善矣而又将之以 有


大足日日 八十二 吳江華嚴寺古塔鉄索上不至頂者若干尺世傳金人 序之 樂土道寧以賢能應辟固不敢以遠自憚亦不敢以土 更換一天以存故事遠今二百餘年矣凡往來觀者遞 渡江及宋人西出師元兵過此皆射之歲久天敞寺僧 父母之所恍者乎於是華其行者咸賦詩以贶之屬余 為樂城年勤勞王事脱身簿書從賢部使者為僚吏皆 左丞潘公射浮圖詩序 夷白齊稿

中書石丞潘公統兵過其下時夜漏下幾刻月色朦朧 弧夫所以威天下然天下不患無善弧矢患無善用弧 中戟牙雖有鳥號越棘象弭繡質將見倉皇失措蒲伏 **風雖有粉胡之箭肅慎之勢不能以穿楊葉射不足以** 見塔上矢影公異之乃顧左右取弓矢一發正中其顛 相指視然卒未有復出奇手抽矢以試其後者今年夏 失者故無雅衛錐有無角之外朔莲之簳不克以貫懸 軍皆賀愈曰真天威也好事者競為詩歌以壮之夫 - 大三日五 八十二日 豈偶然也哉世無雅衛由基而公固善用弧天者也昔 與昔人争必中之鋒於上下二百餘年之間乃今按兵 澤國殼弓持滿水光冥迷夜氣蕭瑟公乃賈勇伸臂控 衛由基僅一藝耳將不足為公道然浮圖挿天聲若干 **伋雖素稱百發百中苟非天晶日明或不敢熱自出奇** 無善用夫弧矢者耳今公位兼将相勇冠三軍其視飛 剉蚁且不暇尚何威之有哉吾故曰不患無良弧失患 一發而克自決命中使争快觀之人服公為天威夫 夾白齊稿

金分四母生 時資好事者為美談而已哉亦示為國家必 士 無 征 賀蘭天下至今義之今公直祖於必中徒取以驚服 南霽雲為睢陽乞援賀崩不從因發憤射浮圖示必減 失以定天下雅衛由基既不可復作公可不自爱乎夫 弧 矢而四海威利倍於孫矢功顯於百發百中此周 有以忠義為甲胄禮義為干槽不操弓而隣 不庭也宜天下聞而 天無以顧公之功公固以 表十 壯之謂非公不克收孤矢之利 功自居而國家方用弧 誅 國畏不 無道而

欽			望書	頌	之
定			書	2	所
四				而	吐
欽定四庫全書	,			公	舗
至				尚	而
1 1				449	1/2
PE				477	好
7				ソヘ	ا (۱۱
				訓	耳
. 3				譲	為
. 欠				未	國
· 吳白齊稿				遑	遠
7				為	謀
				روايد	右
				至	1
				正	オ
				1	F
				7	女
				71	你见
				并	興
				ホ	國
				月	人
				領之而公尚無以無讓未追為也至正十六年六月既	之所吐餔而公所宜為國遠謀者余不倭願與國人交

夷白齊稿卷十九



未有不以敬為本者也經禮三百曲禮三十一言以敬 如尸立則如齊行則如執玉如捧盈無時而不敬也近 於秩宗則先之以夙夜惟寅申之以直哉惟清終日欽 也司空而降凡二十有二人其言敬者不一而足然 此三言者雖若專為伯夷而發然推而言之則 口無 應對至於窮理正心由修身齊家至於活國平天下 不敬 故居則 如對越上帝出則如見大賓 坐 自 则 至 洒

君臣告戒之際反復丁寧不越一

敬而已方其命九官

回敬 所以無後執幣不敬若数氏之所以減将事不敬卻氏 五刑競以之語八音以至於垂於益於龍莫不皆然故 宅伯揆后稷以之播百穀契以之敷五教皐陶以之明 也蓋敬以直內則清明在躬伯夷以之交神明大禹以之 里出之於蠻貊舎則善其身用則顯其親無往而不敬 之事親遠之事君内之於兄弟外之於朋友入之於州 所以亡受服不敬成子之所以不及嗚呼敬哉不可 也者君子所以成始成終也彼受玉不敬晉侯之

見口問言

致定四庫全書 伯祥居松江笠澤間力田教子蓝務以善世其家家去 吳縣横山之吳卷村內翰金華先生黄公實誌其墓馬 没而整具江久詠鄉之韓墅伯祥之先君子也其改望 顧字思義非直美稱謂也蓋将奉以周旋馬故余弘其 說以序之詩云夙夜匪懈惟寅其懋之哉 不務也惟寅年方富行甚方植志而不回力學而有文 郡金伯祥氏家故士族而好施予其以善士稱於鄉 贍 雲軒詩序 P

何不忍去嗟乎人子之於親所謂不能自己者蓋至此 所得已者每歲時祭掃街哀站痛践霜露撫松拍 委其親於五患之區及遷而得善地舎近就遠又非其 里而選然土厚水深草木豊茂真樂丘也伯祥始不忍 未耜之血牛羊之徑又出沒踐聚在五患之所必遷者 韓墅僅數百武然水淺土薄四顏皆陂田塗潦沮如而 而乃見焉既結廬墓側以備風雨又即其南莹為軒曰 横山在太湖上與郡西南泉山相磅礴距笠澤七十 芝口野海 瓤排

他亦 瞻雲是雲也即秋公登太行而望河陽之雲也河陽之 積善自大父當學進士金華先生曰引之弗替必有興 猶今也彼觸石而起膚寸而合不崇朝而雨於天下無 然雲之所在即親之所在也親之所在雖亡猶存雖古 雲親之所舎横山之雲親之所藏古今殊時存沒異感 人為忠臣為孝子唐有狄公猶天之有元氣也金氏世 然則覧是軒而賦詩者豈直山川草木一丘一壑之 和氣之所積也和氣之積在天為慶雲為甘雨在

一欽定四庫全書

卷二十十

一致定四車全書 四 韋羌山人陳其也 之也厚先生之言其尚有後乎詩凡若干首為之序者 勝而已哉力田足以教子追養足以厚本積之也久發 及泰伯蜕脱菜冕而以禮治之其後延陵季子又承其 泰伯仲雅未逃吳時吳為古要荒之地其俗蓋可知已 交讓流風春秋時觀其聘魯而聞樂審音而知政魯衛 余常讀太史公書見其傳仲尼弟子獨子游為吳人蓋 送浦朝宗序 夷白齊稿

學莫大子近其人子游往矣其嘉言機行見於孔門師 况生乎其鄉者乎况經歌其文學以教其子弟者乎此 非今之所為文學也朝宗武觀其論子夏之門人而求 友之問答千世之下四海之内讀其書皆知有所興起 列聖門之四科則吳之多士其所由來者久矣吾聞之 肩七十子之徒北面以事孔子而與下子夏同以文學 齊晉之大夫蓋未有或之先者追至子将北學珠四比 浦君朝宗之行君子所以樂為之道也夫子游之文學

沙芝四年 在馬 集慶古林陵之地控扼險阻外連江淮內倚湖海自古 答光其小者近者而大者遠者寓馬則子游之文學其 其本之則無之古本者何聖賢大學之道所謂正心修 庶幾乎 雅之墓在馬朝宗今受文學精舎之聘率其子弟出則 身推而至於治國平天下者也子游之鄉實惟海虞仲 仲雅之遺民入則誦孔氏之遺書而釋其師徒之問 西夏永年公敷德詩序 Ę 夷白癬稿

賴以為長城之倚者行臺之所憑藉如衣之領網之綱 起兵連不解資糧器械軍旅百需悉仰東南而東南所 設官視中臺控制三省綱紀十道位至隆重自江淮盗 尤為要會之地於是建行臺置執法由御史大夫而下 以為根本國家奄有六合方岳所在維藩維翰而集慶 三光五岳之氣瓜分幅裂而經營四方者未當不恃此 公由淮南行中書省平章簡在帝心時府是命時至正 御史大夫用是令江南等處行御史大夫西夏永年

1:1

城南之板橋行臺用言者計命也先與官軍並征太平 擺甲胃胃矢石誓修力與城相存亡賊因変巡畏縮相 到先是准西義兵元即陳也先率其徒衆渡江屯集慶 率引去秋七月贼又至又敗之九月贼大至攻圍凡七 集慶攻南門屬方溽暑軍無資糧公畫夜申嚴約束躬 而更張之六月淮西冠渡江攻陷太平恣行四掠潛超 日夜公身先士卒出萬死不顧一生且戰且守賊鋒大 十五年夏四月也南下車几前政之所不便於民悉起 夷山新福

度量絕人年十五六時出入惟幄轉負公輔之望二十 子弟優其徒衆士氣復大振公沉點寡言寬厚有器識 無美因乘勝逐北鼓行超太平期旦暮可克復而也先 皆疑其詐公獨决信之無惑下今官軍與也先內外夾 乃為官軍誤殺舉軍痛悼之分兵寬其尸垒之且録其 擊逐生擒偽元即郭張二賊及其餘偽官甚衆殺傷者 **多定四庫全書** 取集慶也先素服公威信輸密数願擒賊首以自効衆 已而我師失利也先陷賊賊質其妻子使為前驅務必 731 卷二十 こくこうこ 業民類以全活者不可勝計嗚呼國家承平無事時公 献停必面引停囚詳審不可赦者戮之脇從者有之復 三四出宰饒州路惠政大著民至今稱之不東歇歷臺 所至刘殺而公以元勲世胄獨當東南一面紀綱之 卿大夫無自可見一旦亡命之徒盗弄演池掩我不備 省出臨方面决大謀成大事雅容片言罔不敬服其在 行臺風勵各道屏除好思凛凛大人君子之風每軍中 小配乘虚竊發而能先之以威信申之以持重隱 **夾白齋稿**

出 釗 吳郡丁仲徳氏以儒術緣飾吏事嘗游崑山幕府尋給 書至正十五年十一月甲子 足而詠歌之者在公持一事耳然舉一事而公經國大 然長城之勢自若也使東國之釣端於無政所謂垂神 正笏不動聲色而奠天下於磐石之安入則周公召公 則方叔名虎非公其誰與歸東南大夫士嗟嘆之不 可以見矣此詩之所以作也詩不可以無序於是平 穴四群全書 丁仲德歸養序 卷二十二 便定四車全書 图 德固辭弗就或問之仲德曰吾母老矣以朝夕之養從 公卿大夫游得升斗之禄顧不足以為吾母一日之膳 集處龍灣鎮江寧國嘉興諸郡咸為文以旌其能用是 在前輕車在後而王良造父為之左右馬問以漕事至 事漕臺雖浮湛簿書而能隨事委曲機關轉旋如駿馬 今吾賢不如古人才不如今人而猥以母故不顧義而 即夫禄者聖朝所以飯賢才非徒以養人之有親者也 合漕臺官屬胥賢仲德且欲廪之以禄任之以職而仲 夷白齊稿

髮游州縣出入漕臺又幸有知已欲食之以禄常人之 於養則不如曾子馬季子之禄不下萬鍾曾子委而不 能言者成賦詩以嘉之吾聞荷頓之富侯王莫尚也至 就之夫食人之食當事人之事苟食矣而事或怠馬親 不尤愈於吐之者乎君子聞之莫不多仲德之善養而 食之其将吐之乎此吾之所以安吾寂水之惟養雖薄 五鼎之味美於菽水曾氏之子其從季氏久矣仲德東 顧後世未有以無禄議曾子者君子之養親尚以禄則 THE RESIDENCE OF THE PARTY NAMED IN

交色日巨 小 然以才不及為辭蓋仲德之養不在禄顧母志何如耳 情就不藉此以為父母惟仲德獨計不出此而踽踽 以志養志此猗頓之所以不及曾子也世蓋有善學柳 下患者仲德其庶幾乎詩凡若干首附於左 夷白齊稿

夷白齊稿卷二十				75-117
ニュ				100
				卷二十
	·			